

BASES CONCURSO DE DECORACIÓN DE LOCAIS COMERCIAIS DO CONCELLO DE OURENSE – NADAL 2020

PRIMEIRA. Obxecto

Co fin de incentivar a reciclaxe e a participación da cidadanía na decoración de luces e adornos de Nadal nos locais comerciais, contribuír ao ambiente festivo nas rúas durante o Nadal 2020 e promover a creatividade, Ecourense UTE, coa colaboración e asesoramento do Concello de Ourense, convoca o **I Concurso de Decoración de escaparates de locais comerciais de Ourense**, conforme as seguintes bases.

O texto íntegro das bases publicárase na páxina web municipal do Concello de Ourense e na de Ecourense.

SEGUNDA. Requisitos

Poderán participar todos aqueles veciños que rexenten locais comerciais ou de hostalería de Ourense que decoren os escaparates ou fachadas dos seus locais situados no termo municipal do Concello de Ourense. A decoración deberá ser instalada antes do día 25 de decembro. Só poderán presentarse ao concurso un único proxecto por local comercial.

Os escaparates e fachadas participantes disporán da súa propia iluminación e/ou decoración nas condicións que permitan visualizar claramente o espazo decorado no seu conxunto polo público en xeral.

As direccións onde se sitúen as decoracións serán publicadas nos medios do Concello para que poidan ser contempladas por quen queira visitalas.

TERCEIRA. Temática

O motivo e a temática da decoración dos escaparates e/ou fachadas será única e exclusivamente o Nadal, incluíndo beléns ou outro tipo de decoración interior que poidan ser vistos dende o exterior. Valorarase o uso de materiais reciclados.

A decoración nos escaparates e/ou fachadas nos locais comerciais non debe causar ningún perigo para as persoas e os bens. As decoracións deberán estar instaladas dende o 24 de decembro ate o 8 de xaneiro, ambos inclusive.

CUARTA. Lugar e prazo de presentación de solicitudes

Todos os interesados deberán realizar a súa correspondente inscrición a través de:

- nadalourense@gmail.com

Cos seguintes datos:

- Nome e apelidos e DNI do participante
- Teléfono e email
- Local comercial participante con enderezo, rúa e número do lugar exacto onde se realiza a decoración de Nadal
- Tres fotografías, en posición horizontal, da decoración do escaparate/fachada, onde se aprecie ben os elementos que a forman. Poden enviarse fotografías tanto diúrnas como nocturnas, no caso de incluír iluminación de Nadal.

O prazo de inscrición é do 1 ao 25 de decembro.

QUINTA. Xurado

O Xurado estará composto por:

- Un representante do Concello
- Responsable de Ecourense UTE
- Un técnico municipal
- Representantes da Federación de Comercio
- Representantes de Centros Comerciais Abertos da cidade
- Representante da Confederación de Empresarios de Ourense
- Representante da Escola de Arte e Superior de Deseño de Ourense “Antonio Faílde”

O xurado poderá visitar, dende o exterior, as decoracións seleccionadas como finalistas desde o día 24 de decembro ao 31 de xaneiro.

Puntos a valorar: máximo 100 puntos

- Orixinalidade: 35 puntos
- Deseño: 30 puntos
- Uso de materiais reciclados: 25 puntos
- Iluminación: 10 puntos

No caso de empate, o premio repartirase proporcionalmente entre os gañadores. Os premios poderán ser declarados desertos. A decisión do xurado será inapelable. Todas as fachadas que a hora de realizar a visita polo Xurado non estiveran arranxadas, de acordo coas bases deste concurso, quedarán eliminadas automaticamente.

O fallo do xurado darase a coñecer a través dos medios de comunicación, na páxina web do Concello de Ourense, na de Ecourense UTE, nas correspondentes redes sociais, ademais, será comunicado polo correo electrónico ou chamada telefónica aos galardoados.

SEXTA. Premios

Establécense os seguintes premios para:

Primeiro premio: 3.000 €

5 Segundos premios: 1000 €

A forma de abono dos premios realizarase mediante transferencia bancaria.

O importe dos premios virá minorado por unha retención do 19% en base ao establecido no artigo 101.7 da Lei 35/2006, de 28 de novembro, do Imposto sobre a Renda das Persoas Físicas.

SÉTIMA. Veredicto

O resultado darase a coñecer a través dos medios de comunicación do Concello. A publicación dos premios farase o día 31 de decembro de 2020, e a súa entrega días despois se as condicións sanitarias o permiten, no salón de actos do Concello de Ourense. No caso contrario, entregaranse os premios de forma privada aos gañadores.

OITAVA. Compromiso

A inscrición no concurso implica a autorización a tomar fotografías e gravacións por medios audiovisuais as cales poden ser difundidas en publicacións locais, rexionais ou nacionais.

A participación neste concurso supón a aceptación íntegra das presentes bases e o sometemento expreso das decisións interpretativas que das mesmas efectúe a organización. A organización reservase o dereito a descartar aos participantes que incumpran as mesmas e, especialmente, calquera participación que vaia en contra destas bases.

Coa aceptación destas bases os participantes comprenden os termos e condicións das mesmas e comprométense a cumprir coa normativa vixente que poida resultar da aplicación a este respecto, de modo que polo simple feito de participar no concurso están prestando o seu consentimento a someterse ás bases e a legalidade de forma total e irrevogable.

A manifestación en contrario do participante, independentemente de en que momento se realice, implicará a autoexclusión do concurso e a liberación da organización de calquera compromiso adquirido co participante.

Calquera imprevisto non contemplado nestas bases será resolto pola organización.

NOVENA. Lexislación aplicable e xurisdición

A lei aplicable no presente concurso será a española.

Para a resolución de calquera controversia ou discrepancia que poida xurdir en canto á interpretación ou aplicación das presentes bases, á organización e aos participantes no concurso, sométense expresamente á xurisdición e competencia dos Xulgados e Tribunais de Ourense, con renuncia expresa ao foro que puidera corresponderlles.

De conformidade co indicado na Lei Orgánica 3/2018 de 5 de decembro de Protección de Datos Personais e garantía dos dereitos dixitais, os participantes quedan informados das seguintes cuestións:

O responsable do tratamento de datos dos participantes é Ecourense e o Concello de Ourense.

A finalidade do tratamento é a xestión e desenvolvemento do concurso conforme ás presentes bases.

A base lexítima que sustenta o tratamento é o consentimento que presta o titular ao participar no concurso con previo coñecemento das bases reguladoras.

Poderán realizarse fotografías dos gañadores e publicalas, xunto cos datos identificativos, en medios de comunicación e redes sociais do Concello, así como nas canles de comunicación, redes sociais e materiais de difusión de Ecourense. A finalidade da imaxe será en todo caso divulgativa e informativa do evento que organice o Concello para a entrega de premios ou similar. Os titulares poden exercer uns dereitos: acceso, rectificación, supresión, limitación, oposición. Dereito a presentar unha reclamación ante a Axencia Española de Protección de Datos. Para máis información, consultar na páxina web do Concello de Ourense.